



Број: 14-05/5-48-8391/11
Датум: 20.07.2011. године

IZVJEŠTAJ ZA MEDIJE

Policijski službenici, u vozilu i u kući, pronašli opojnu drogu "Marihuana"

Dana 19.07.2011. godine oko 18,30 sati, nakon prikupljenih operativnih saznanja da se u vozilu nalaze lica koja bi kod sebe mogla posjedovati narkotička sredstva, policijski službenici Jedinice saobraćajne policije i Odsjeka za borbu protiv droga i organizovanog kriminaliteta Policije Brčko distrikta BiH, na regionalnom putu Brčko – Lončari u mjestu Krepšić zaustavili su i izvršili službenu radnju pretresa vozača, suvozača i vozila.

Pretres je izvršen nad vozačem sa inicijalima H.T. sa područja Brčkog, njegovog suvozača sa inicijalima M.Š. sa područja Brčkog i vozila marke "Ford Mondeo" bosanskohercegovačkih registarskih oznaka.

Prilikom preduzimanja mjera i radnji, policijski službenici su kod ovih lica pronašli i oduzeli jednu pvc vrećicu (veličine jajeta) u kojoj se nalazila biljna materija koja svojim izgledom asocira na opojnu drogu "Marihuana". Preliminarnim vještačenjem utvrđeno je da se najvjerojatnije radi o opojnoj drogi "Marihuana".

Lica H.T. i M.Š. su privedena u Policiju Brčko distrikta BiH, te je nad istima izvršena kriminalističko-tehnička obrada, nakon čega su policijski službenici prikupili informacije o nivim količinama narkotika, te je izvršen i pretres kuće u ulici Adila Efendije Čokića u Brčkom. Prilikom pretresa u kući je pronađena digitalna vaga i tri paketića biljne materija koja svojim izgledom asocira na opojnu drogu "Marihuana".

O svim preduzetim radnjama upoznat je dežurni tužilac Tužilaštva Brčko distrikta BiH.

Zbog sumnje da je lice H.T počinilo krivično djelo "Neovlaštena proizvodnja i stavljanje u promet opojnih droga" iz člana 232. Krivičnog zakona Brčko distrikta BiH, isti je lišen slobode, te će tokom današnjeg dana uz Izvještaj o počinjenom krivičnom djelu, biti predat Tužilaštvu Brčko distrikta BiH na dalje procesuiranje.

Šef kabineta-portparol
Halid Emkić